




江忠烈公

遺集

後學朱記榮
謹書



光緒丙戌夏月
吳縣槐廬藜刻



江忠烈公遺集卷首

諭祭文

朕惟折衝禦侮疆臣輸效命之誠賜卹推恩國典示
褒忠之厚蓋亮節克垂於竹帛斯殊恩宜沛以絲綸
爾追贈總督原任安徽巡撫江忠源精誠自矢果勇
聿昭夙習兵韜曾翦萑苻而斂跡追膺民社遂攜劍
佩以從戎誓靖盜於潢池屢宣功於桂嶺洎狼蹤之
遠竄統虎旅而長驅士奮千城偉略頻書於露布郡
資保障英聲特振於星沙酬庸而累擢監司陳臬而

江忠烈公遺集

諭祭文

一行素草堂
槐廬叢刻

命參軍務惟江右值烽煙之警俾偏師張桴鼓之威
牙纛高懸破羣醜而章江奏績頭銜優錫秉專符而
皖水宣勞屬逆燄之方張入危城而固守躬親矢石
得化險而爲平氣肅旌幢屢出奇而制勝孰意援兵
不力警報遽傳堞上塵驚竟逞跳梁之技旄頭星隕
遂成裹革之忠愍念蓋臣良深軫恤追加崇秩載建
專祠於戲英爽猶存百戰煥旂常之色恩榮斯被于
秋流秬鬯之芳惟爾有靈尙其歆受

咸豐五年十二月

國史本傳

江忠源湖南新甯人由舉人候選教職於道光二十年協剿新甯會匪出力敘功以知縣歸部儘先選用二十九年揀發浙江三十年署秀水縣知縣是年詔各大臣保舉人員禮部侍郎曾國藩以忠源奏入上命來京由吏部帶領引

見竝預備

召見旋丁父憂咸豐元年廣西逆匪鴟張

欽差大臣大學士賽尙阿遵

汪烈翁遺篋

國史本傳

二

行素草堂
槐廬叢刻

旨馳往剿辦奏調忠源赴軍營差委嗣官軍剿賊新墟草邨等處屢次獲勝忠源均在事出力經賽尙阿保奏

賞戴花翎竝得

旨俟服闋後免發原省歸部以同知直隸州知州遇缺卽選尋經部議改由外補籤掣陝西復隨攻永安州踞匪敗之於水竇關嶺地方逆匪旋竄出永安犯廣西省城大軍追剿屢却撲城賊眾二年三月忠源隨總兵秦定三等由飛龍橋進攻古牛山設伏誘戰

敗之尋自北門外移營東面復連次出擊從貓耳山分路設伏三面兜圍殲戮及追溺甚眾賊復由棲霞寺一帶來撲秦定三等伏礮擊卻忠源帶兵勇追勦擒斬多名賊夜遁省圍解論功以知府卽補四月賊竄全州附城屯踞忠源偕官軍追及疊邊其衝竝建議扼要布營杜賊歧出復以賊攜船圖竄豫於河面密釘排樁阻截仍分路逼攻賊營賊拒戰兇猛忠源策馬當先兵勇齊進大敗之越日賊穿地道破城擁入旋復竄出分踞舟岸勢欲順河北駛忠源等繞前

汪忠烈公遺集

國史本傳

三

行素草堂
槐廬叢刻

迎截賊六七千人沿岸衝來旋敗旋撲自卯至酉鏖戰七時殲賊無數翼日賊船二百餘隻聚泊蓑衣渡我軍四路攻敗之燬其船賊乘夜棄舟逸竄入湖南踞道州總兵和春督軍追至五月忠源偕各軍分隊併進誘賊出巢敗其眾賊築壘樹柵意圖久踞我軍逼近疊攻堅匿不出六月忠源購得賊中殘目俾作內應方約期合攻賊忽全數夜遁甯遠桂陽一路竄陷郴州我軍拔營追之七月連次進攻忠源帶勇設伏接應賊潰復分股竄逼長沙省城占踞妙高峯節

經守禦官軍出擊忠源隨和春等兵勇繼至合力攻
勦賊大股復由郴州併趨省垣八月至九月屢次分
路撲營我軍逼攻賊壘忠源均統帶楚勇出隊奮擊
殲戮多匪賊勢蹙十月長沙圍解賊眾紛竄忠源以
欽差大臣署湖廣總督徐廣縉檄帶勇馳赴湘鄉遏
賊南竄之路會巴陵土匪晏仲武等乘機肆擾忠源
奉檄督帶兵勇往勦搜獲匪黨燬賊巢剪除殆盡十
二月事竣復移師瀏陽勦辦會匪周國愚等匪眾五
六千人抵拒分路撲忠源亦督兵勇分路迎敵並設
伏要截合力掩殺大敗之追奔二十里斬擒匪黨數
百奪獲軍械多件經徐廣縉湖南巡撫張亮基先後
疏

聞三年正月以上年防守湖南省城尤爲出力徐廣
縉等上其功

命仍歸原省以道員用時粵匪先已由湖南竄擾湖
北陷武昌省城忠源經署湖廣總督張亮基奏請帶
赴湖北差委尋擢湖北按察使兼署鹽法道逆匪旋
自武昌沿江下竄由安徽進薄江甯

欽差大臣湖北提督向榮跟蹤追剿二月

上以忠源歷次接仗奮勇著有勞績

命帶親信兵練赴江南向榮軍營聽候調遣經張亮基以忠源見有經手事件疏請令暫緩前往

允之尋江甯陷鎮江揚州相繼失守

詔忠源迅赴江南幫辦軍務適湖北通城縣土匪劉立簡糾眾肆掠三月張亮基等奏請派令忠源帶兵往剿上命另派大員接辦

申諭忠源卽赴向榮軍營忠源時已奉檄進兵通城

江忠烈公遺集

國史本傳

五
行素草堂
槐廬叢刻

匪首劉立簡竄至麥園與土匪羅經仁合併糾約何葛墩首匪何田俊等忠源乘夜馳至出其不意立擒劉立簡竝匪黨多名燬其巢羅經仁等竄逸復追至葛家坪連日鏖戰俘馘四百餘人餘眾潰竄時崇陽嘉魚縣屬均有逆匪聚眾焚掠與通城何葛墩匪眾潛相鉤結忠源卽添調兵勇赴剿經張亮基等奏入得

旨江忠源見剿湖北匪徒著暫緩起程卽趕緊籌辦務將著名首逆悉數殲擒勿任一名漏網適崇陽嘉

魚匪徒陳申子等率眾千數百人自何葛墩折回崇陽桂口地方欲徑襲崇陽遙爲犄角忠源率其弟六品頂戴職員忠濟等管帶楚勇馳抵桂口賊不及防倉卒迎拒兵勇分隊夾攻賊潰斬逆首陳申子於陳磯賊五百餘奪獲旗幟器械無算乘勝攻勦通城何葛墩拔營入山首匪何田俊負嵎抗拒兵勇奮擊復敗之擒著名逆匪二十餘人竝將何田俊廬舍焚燬四月以勦辦土匪將次就竣業由張亮基等派員接辦卽遵

江忠烈公遺集

國史本傳

六

行素草堂
槐廬叢刻

旨前赴江南疏報起程日期竝以軍輿數載巨寇披猖貽誤有由宜思變計爰就見辦軍務得失所關臚舉嚴軍法撤提鎮汰弁兵明賞罰察地勢戒浪戰嚴約束寬脅從八條陳奏得

旨所陳均屬切中機宜該臬司親歷行間兩載以來目擊軍情自非空談韜鈴者比見已赴江南軍營著卽將各條與向榮等悉心商榷認真辦理會湖北廣濟縣民復有聚眾戕官之案張亮基等奏交忠源順道往捕

上命迅速勦辦俟事竣再赴江南軍營忠源督兵進
剿連次戮五百餘匪俘數十人解散被脅愚民甚眾
奏入報

聞尋以上年撲滅巴陵土匪迅速下部優敘五月行
抵九江時粵匪由江甯分股泝江上竄進撲江西省
城忠源卽馳往救援偕巡撫張芾等力籌戰守賊方
環踞各門施鎗礮竅地道忠源督飭兵勇加築月城
開掘濠濠安設甕聽卽突門出戰賊屢撲屢退往復
者四復密派兵勇縋城焚賊巢節次斬擒甚夥

江忠烈公遺集

國史本傳

七

行素草堂
槐廬叢刻

上以忠源屢著戰功所帶楚勇尤奮往出力

詔嘉獎之六月忠源飭各兵勇分三路進攻燔章江
門外賊壘及船殪匪多名賊旋敗旋聚忽地雷發轟
塌德勝門月牆六丈餘賊眾數千蠢擁而上忠源率
其弟忠濟督楚勇首先奮擊搶護城闕復鏖戰經時
賊敗退奏入

上嘉之

賜白玉翎管四喜搬指各一竝以忠濟不避鋒鏑尤
稱勇敢

賞加五品頂戴七月南昌城南京家山突有賊匪分
撲焚廟宇忠源豫派兵勇迎擊敗之仍疊次攻擊圍
城賊匪竝連破地道八月以城圍日久近省一帶土
匪有倡議餽賊乘機搶掠者經忠源派員次第擒獲
悉誅之遂於章江德勝門城上分置巨礮十餘逼對
賊壘晝夜轟擊壘盡傾竝沈其船多隻賊欲遁越日
忠源飭兵勇分路攻賊營賊堅匿不出暗放鎗礮如
兩官軍近逼拋擲火器燬其屋數處至夜賊營鎗礮
聲猶未絕我兵齊舉巨礮賊礮頓止兵勇乘勢下城
江忠烈公遺集 國史本傳

入行素草堂
槐廬叢刻

縱火值南風大作火益猛賊眾驚潰痛殲之賊軍械
多燬紛紛上船揚帆下竄省圍解九月疏

問

諭曰逆匪攻撲江西省城九十餘日經江忠源等督
率官紳兵民協力固守雖未能勦盡賊匪而城圍已
解自應先沛恩施江忠源著賞給二品頂帶是月擢
安徽巡撫逆匪自省城回踞九江忠源等帶兵跟追
賊復分股泝江上竄擾湖北興國州徑撲田鍾先經
防守官軍迎擊獲勝忠源督軍追至適東南風急賊

船揚帆直上正剿擊間陸路賊眾亦廬至環撲各營
官軍遂失利忠源疏陳情形自請嚴議

上念其初到救援不及

詔降四級留任先是皖省自安慶被擾卽移省會於
廬州府城至是江西下竄賊船復踞安慶竝由金陵
分股竄擾逼近廬州節經

諭令忠源迅速赴任而楚境賊船方自田鎮連檣上
駛擾黃州等處攻踞漢陽漢口圖撲省城忠源收集
兵勇往援以江路梗阻擬先攻復漢陽疏陳留楚剿
江忠烈公集 國史本傳

九 行素草堂
槐廬叢刻

辦情形奏奉

俞旨十月進抵灑口適賊船全數夜遁卽派員帶兵
沿江追剿擊沈其船殪賊多名尋以武昌解嚴遂繞
道赴任皖賊時已攻陷桐城舒城等處十一月竄撲
廬州忠源力疾前進先期馳抵郡城登陴嚴守分門
布置賊竄地道經我軍迎掘破其詭計復疊次撲城
均被兵勇擊敗殪數百匪獲雲梯五十餘具奏入

上以忠源病軀督戰疊挫賊鋒

優詔嘉其忠勇賊仍連次分攻各門竝逼城結營疊

經兵勇奮擊旋以地雷轟大西門月城闕十餘丈逆眾擁上兵勇力禦却之竝卽搶築城復完忠源疏陳其事及固守待援餉需不繼情形以

聞十二月以湖北逆匪竄入皖省英山縣未能先事豫防下部議處時廬州賊日夜環攻因防禦甚力復暗掘地道經我軍穴牆出城擊退嗣各路援兵漸集總兵音德布等分帶兵勇三路竝進先燬賊營哨棚二十餘座乘勢焚剿忠源分飭兵勇縋城接應連日殲賊數百墮其營五餘匪不敢近撲旋復於水西門

江忠烈公遺集

國史本傳

十

行素草堂
槐廬叢刻

伏地雷我軍迎掘之賊計窮越日逆眾四五百人撲小東門官軍奮力抵禦忠源派楚勇飛往協剿忽水西門月牆被地雷轟裂入丈有奇火光猛烈城身搖撼賊乘勢欲徑入忠源親督兵勇冒煙衝上施鎗礮擲火彈燬百餘人受傷者無算賊不敢上其小東門賊亦經兵勇殲戮多名復乘勢鈔擊之均敗卻奏上得

旨江忠源力保危城躬親戰陣督率將弁兵勇併力捍禦俾得化險爲平實屬忠勇可嘉之至著賞給霍

隆武巴圖魯名號方賊之竄擾廬州也

上詔陝甘總督舒興阿等統兵往援舒興阿軍至與賊接戰小有斬擒未解城圍賊連日攻撲益急城中餉乏兵疲遂夜陷忠源於水西門守禦力竭歿之事聞

諭曰江忠源以知縣調赴軍營屢立戰功超擢臬司令其幫辦軍務本年在江西守城尤爲出力倍著忠勤旋卽授爲安徽巡撫由湖北力疾赴皖甫抵廬州卽值逆匪圍攻郡城督率文武紳民兵勇竭力守護

江忠烈公遺集

國史本傳

十一

行素草堂
槐廬叢刻

一月有餘屢次出奇制勝力捍危城方資倚畀乃因援兵不力以致賊陷廬州捐軀盡節深堪悼惜江忠源著追贈總督卽照總督陣亡例賜卹入祀昭忠祠任內一切處分悉予開復應得卹典該衙門察例具奏竝著於殉難地方建立專祠以慰忠魂四年復

諭曰江忠源因廬州被陷臨陣捐軀當經降旨優卹復將伊弟江忠濟江忠濬先後加恩以知府知州用念江忠源身經百戰力守危城厥功甚偉以外援不力效命行陣每憶孤忠時深矜憫其靈柩回籍時著

福濟和春派委安員護送出境竝著沿途地方各官
公爲照料用示朕垂念蓋臣至意尋

賜祭葬

予諡忠烈

賞騎都尉兼一雲騎尉世職子孝棠襲

江忠烈公遺集

國史本傳

三

行素草堂
槐廬叢刻

江忠烈公遺像贊

荆粵之交誕鍾奇傑文武兼資克完臣節君方逾冠
崛起扶夷科登拔萃充賦京師首創民團孽除鄉井
捧檄淞江初覘驥騁軍興桂嶠墨經徂西丕顯我武
莫殄鯨鯢逆燄燎原越湘而鄂繼擾豫章豨犇虎攫
或提偏卒屢挫其鋒或嬰危堞力折其衝 帝嘉
乃勳巖疆置帥開府皖廬保障斯寄君誓廬眾以遏
賊攻三旬七日慘化沙蟲板蕩忠顯疾風草勁君節
則全君施未竟惜君之才應變難同哀君之志戡亂

江忠烈公遺集

像贊

三

行素草堂
槐廬叢刻

終窮惟

帝褒君嘉名肇錫曰烈曰忠允彰君績

皖有祠堂以君忠貞京師畱像爲君楚英君祠在皖
皖人所企君像在堂式斯桑梓

咸豐六年仲春月下澣溲浦嚴正基敬題於京師邸
舍

重刊江忠烈公遺集弁言

於戲自粵餒鴟張蔓延數省擒匪回逆又交鬪其間
溯自

宣宗季年迄乎

穆宗御極以後首尾幾二十載始得肅清寰宇重視

昇平新疆伊犁先後恢復至今談

中興盛業者罔不歸美官胡羅李曾左彭楊諸公而
孰知兵事方興親提一旅卓然開楚軍風氣之先者
則江忠烈公其人也公以縣令從戎戰勝攻取受

江忠烈公遺集

弁言

一

行素草堂
槐廬叢刻

文宗顯皇帝特達之知擢至安徽巡撫際遇不可謂不
隆轉戰數省賊眾畏之如神目爲江家軍望旌旗而
卻走守湖南江西省城方略從容卒完疆圉功烈不
可謂不偉廬州之役獨爲其難援絕勢窮粹以身殉
成仁取義巍然爲一代完人

聖朝褒恤之恩享俎豆馨香之奉食報不可謂不厚
奈何著作散亡見於各家撰述者僅傳誌墓表諸篇
而公曲突徙薪之功幾幾無從稽考大可慨也余讀
先正事略及曾文正文集輒慨想公生平欲求遺集

而不可得適季父雲士先生歸自淮揚行篋中藏公詩文集一冊乃公介弟達川方伯藩蜀時掇拾於燬燼之餘所重刊者盥誦再四其與周文忠曾湘鄉兩書於後來用兵次第若燭照數計而龜卜卓識偉論千古不磨惜乎大功未竟長城先頽洎飲至策勳不得與曾李諸公同膺

懋賞雖公在天之靈不以是爲欣戚而草茅下士景仰遺徽者輒不禁撫膺而長太息也讀原序此集業已屢刊而蘇松藏書家咸以未見爲恨豈流傳之未

江忠烈公遺集

弁言

二

行素草堂
槐廬叢刻

廣與嗟乎公豐功大節彪炳千秋區區詩文特其餘事然吉光片羽彌足寶貴矧磊落奇偉文如其人尤足使聞風者興起乎余友吳縣朱君槐廬方搜刻經世有用之書孜孜不倦爰以此集授之付諸手民俾海內欽公功者讀公之書古誼忠肝凜然如在更足爲論世知人者之一助云爾

光緒歲在柔兆閏茂春分日後學青浦席威謹識

江忠烈公遺集序

公與先大夫始而友善繼則受業而師事焉迨公
謁選入都過余兄弟塾中一一訊及讀書課程先
大夫已歸道山伯兄治杯酒相款接時余尙髫髻見
公氣度英偉而已心焉識之公有寄先大夫一詩
極意推崇至以韓蘇相比今讀一過未嘗不潛然感
也當夫洪楊倡亂蹂躪半天下公方由浙中縣令奉
諱家居粵西主兵者奏調赴軍公乃竭誠贊畫募里
中健兒五百人助戰卒賴其力解桂林重圍湖南鄉
江忠烈公遺集

湯序

一行素草堂
槐廬叢刻

勇出境討賊自公始又嘗寓書曾文正公謂賊據
有長江之險必廣造舟師先務肅清江面爲滅賊之
本文正聽其議卒成大功泊公宣撫皖疆會道病
昇疾至任竟以糧盡援絕殉廬州世每以未竟其
用爲公惜不知君子之道莫大乎以忠誠爲天下先
世教衰民不興行上下溺於宴安退縮雖有豪傑之
徒亦觀望而莫知振得忠誠者起而矯之毅然以澄
清天下爲己任身履諸艱百折不回蹈九死而不悔
唐張巡守睢陽功雖不成而議者謂守一城以捍天

下蔽遮江淮沮遏賊勢中興之功此不可沒公之事
亦略相同豈可以成敗利鈍論英雄哉余攝篆滬江
適吳縣朱君槐廬謀柔公遺集而乞言於余披覽遺
編凡一書一檄一吟一詠悉本忠愛之性以抒其浩
落之胸一展卷間猶髣髴昔日辟咤在側時親聆公
之緒論也茲故揭其贊謀立功之大者而并述吾兩
家交誼之舊如此若夫公之歷官勛績昭昭在人耳
目諸作家已臚列言之無俟余之贅及云

光緒十二年歲次丙戌仲秋月署蘇松太兵備道海

江憲烈公遺集

湯序

二

行素草堂
槐廬叢刻

關使者湯壽銘序

補刊江忠烈公遺集序

記榮

校刊江忠烈公遺集竟喟然歎曰嗟乎自古忠

臣義士纂述流傳其英光瀨氣凌鑠古今必有不可磨滅者況公之功名事業卓卓在天壤間而僅存此吉光片羽將何以饜讀者之心繼蒙婺源張君金城以別本見示首 諭祭文 國史本傳次則書疏九首與前所刊無一同者不禁狂喜固知公之詩文散佚尙夥忠義之氣感人最深海內有志之士什襲珍藏者當復不少急付手民與前刊合爲一集別之曰

江忠烈公遺集

朱序

補遺蓋不敢沒張君蒐訪之勤也抑

記榮

少居嘉興

喜與人談遺聞佚事聞公權秀水時每夙興常手舉兩石重一二百斤挾之兩腋間以練筋力暇輒日行

二三十里至鄉鎮村墟間見有羣聚博塞者必面諭禁止之時邑被水災放賑公僅攜一僕微服走鄉間

親詢疾苦遇村翁野嫗絮絮相慰勞里正有侵食者重懲之不少貸邑民咸畏而愛之至於今稱道勿衰

嗚呼公豐功大節旣如彼勤卹民隱又如此而詩若文尤公之精神學術所寄焉者也

記榮

何幸得附名

一行素草堂
槐廬叢刻

於文字之末哉是爲序時

光緒十有二年歲在強圉大淵獻吳縣後學朱記榮

謹識

江忠烈公遺集

朱序

二

行素草堂
槐廬叢刻

原序

咸豐丙辰仲春陳炯齋典簿以江忠烈公遺詩付劄
刷屬序於余余雖與公善未嘗讀其詩亦未知其能
詩也每見其言論風采有志於當世之務心竊重之
而公亦素重余若可與言者既而馳驅戎馬急

國家之急大節凜然至今有生氣焉請卽以公所
贈別詩序公之詩可乎詩云人生無憂患誰知性情
厚淪落不足悲此行當不朽嗚呼公之生千古矣公
之詩亦千古矣清泉丁善慶撰

江忠烈翁集

原序

一

行素草堂
槐廬叢刻

江忠烈公忠孝天挺大節凜然平昔所爲詩本不多
而懷君國之憂急友朋之難造次傾吐眞氣奮溢勃
勃不自休一時才學士多自以爲不及蓋其所言者
皆其所行不能爲其人宜不能爲其詩也忠烈歿於
兵遺詩復多散失其友人馮君樹堂郭君意城蒐輯
殘藁屬余校定凡爲詩九十二首時有牽率酬應未
甚經意者謬以愚管是正簡汰都爲八十五首忠烈
有知或不引其狂僭也皆咸豐五年初秋距忠烈殉
難時匝一歲有半云湘陰左宗植題辭

馮樹堂明府兄自新甯歸長沙手江忠烈公遺詩一卷見授於是忠烈公歿兩年矣其忠肝義膽照耀千古者原不必以詩傳而其性情所寄長篇短幅皆有浩然不可遏抑之氣使讀者卽其詩而可想見其爲人則雖零縑斷紙固亦吾輩所宜珍重而護惜之者也乃屬左景喬舍人爲之校定得古近體詩八十餘首蓋皆丁未以前之作自宦遊從軍後詩都無存存者僅黃陂道中一首耳嗚呼忠烈往矣干戈滿地滄海橫流追念斯人可復得耶寒山風雨展誦遺編忽不知涕泗之何從蓋不僅友朋之私痛也咸豐乙卯初冬湘陰郭崑燾拜識

江忠烈公遺集

原序

二

行素草堂
槐廬叢刻

右江忠烈公遺集一卷初刻於長沙意城博士以印本寄余一時聞者借觀無虛日顧其書尙多譌舛踳駭未快人意因與鄧伯昭山長詳審是正重付手民余與忠烈交久未知其能詩今讀是集才思豪邁風格適上而其忠愛之心剛大之氣造次噴溢迸露不能自己尤足想見其人海內之士知無不欲讀公詩者是刻庶益廣其傳焉咸豐六年丙辰十一月湘鄉

彭洋中并識

江忠烈公遺集初刻於長沙再刻於邵州海內既已
不脛而走矣今年公弟達川方伯由皖藩移蜀僚友
及蜀人士索公遺集傾行篋所藏無以應爰謀重梓
屬瑤以校讐之役迺召手民而督棐之原集僅搜存
公詩數十首曩余嘗欲求其奏疏及與人言軍事書
合棐徵遺稿於其家則石達開犯新甯時公家燬於
賊稿亦同燼余篋舊藏公與彭曉杭學博書去年客
皖見桐城方存之宗誠侯命錄載公與呂文節書亟
汪惠烈遺集

原序

三

行素草堂
槐廬叢刻

錄之又從合肥徐毅甫子苓所得廬州祭城隍神及
解散脅從告諭兩文今來蜀晤黃子壽編修則又出
示公與周文忠劉撫部孟容徐總制仲紳及今節相
湘鄉曾公諸書言當日軍事甚詳其用人措餉練兵
三事於文忠書反覆論之而與湘鄉書以謂方今賊
據有長江之險非廣置舟師先務肅清江面則恐滅
賊尙無期又言請亟致書海內豪傑廣集經費號召
吾鄉忠義之士迅建義旗蔽江而下某亦當收集淮
南奇傑以爲應援蓋其時湘鄉初建合四省會勦之

議公知此事非湘鄉莫辦故以書堅之其籌畫東南大局深謀遠略披肝瀝血迄今讀之忠義鬱勃之氣隱隱如相晤接乃歎古今人必有真血性然後有真事業卽然後有真文章也頃者金陵告克賊之巢窟拔矣捷書旣上先帝未之見公亦弗及知蜀中聞報之日公弟亟修家祭以告愀乎其容余於旁微觀之蓋不知淚之何以潸然下也茲刻編次遺文爲一卷原存詩八十五首爲一卷而附錄墓表像贊及祠堂記殉難碑記諸文於後都爲一冊行狀及公弟

江忠烈公遺集

原序

四

行素草堂
槐廬叢刻

壯節公行狀仍別爲一冊其疏稿及諸散佚之文覓得當續彙之公不喜章句學亦不常作詩然讀所存諸作雄健豪恣大力包舉而其平生忠愛之誠與師友相助死喪相拯之義悃款悻悻真氣噴溢殆有皓首槁皴勤勤爲之而不能逮者左舍人所謂不能爲其人宜不能爲其詩也公死年甫逾四十嘗與儕輩言冥冥者若弗奪其年無論耄耋或塵得中壽以歿計其勛業固必日益宏峻卽以餘力偶及詩古文辭詎弗沈浸蘊蓄日益造於古人之深奧也歟顧所存

雖僅止此已足卓然不朽况公之可以不朽固不在
區區文字之末而方伯之汲汲欲廣其傳則亦孝友
天性之愛根於心不忍一日死其兄重爲神明之所
深許也同治三年重九前二日新化鄧瑤伯昭序

江忠烈公遺集

原序

五

行素草堂
槐廬叢刻

江忠烈公遺集目錄

青浦席 威孟則
吳縣朱記榮槐廬 重輯校刊

諭祭文

國史本傳

江忠烈公遺像贊

江忠烈公遺集弁言 湯小秋觀察序 朱序

原序五首

文錄 文十八首

致彭曉杭學博書

江忠烈公遺集 目錄

一行素華堂
槐廬叢刻

答劉霞仙茂才書

與徐制軍 廣縉 書

致周敬修制軍書

答曾滌生侍郎師書

祭城隍神文

解散脅從示

文錄補遺

條陳軍務疏

陳明廬州獲勝并請調兵撥餉疏

致郭筠仙書

致郭筠仙書

致黃麓谿書

致郭筠仙書

致馮樹堂書

致郭筠仙書

致郭筠仙書

致馮樹堂書

致郭筠仙書

汪忠烈公遺集

目錄

二

行素草堂
槐廬叢刻

詩錄 古今體詩

澱浦漫興

訪舒壽字同年 百齡

沅州舟中

投何文舫帥

黔陽謁靈佑伯祠二首

讀紀烈詩徵題後

贈曾天谷茂才 寶光

宿洪江夢贈人一律醒後僅記宴安統袴二句

因足成之

曉行

途中喜雨

寄湯海秋農部

鵬

登齊河城樓

大清橋

奉寄劉雲樵丈人

與嵇蔭滋游北城

野望次嵇十一韻

江忠烈公遺集

目錄

三

行素草堂
槐廬叢刻

再疊前韻

平原懷古

秋懷十首

秋日懷鄧伯昭同年

璠

寄張枏皆同年

經贊

與嵇蔭滋晚眺大清橋

夜思

與嵇蔭滋登城樓見河水洋溢循溪上泝至暮

方歸

初月

仙查

送羅伯仙明府之任井陘

贈黃鶴汀

贈彭暄塢旭

贈楊春皆同年孝麟

贈曾滌生庶子用東坡除夜贈段屯田韻

疊前韻寄馮樹堂卓懷二首

贈家曉帆太史國霖

江忠烈公遺集

目錄

四

行素草堂
槐廬叢刻

喜雨

次韻滌生庶子見贈

前詩既成李竹屋如崑鄒春笙溥霖及彭暄塢

旭皆和之復疊前韻呈滌生庶子并簡三君子

疊前韻爲柳溪驅病

哭鄒柳溪四首

寄郭筠仙嵩燾意城崑燾昆仲

久旱已而甚雨用東坡次孔毅父韻呈滌生庶

子

發都門二首寄別滌生庶子

柳溪靈樞車載難行一日死兩馬人言死者爲厲吾不信也今一馬又病矣詩以禳之

哭鄧鐵松師

鶴齡

渡黃河

東明阻雨

汴梁贈鄒墨林大令

朱仙鎮

襄城道中

汪憲烈公遺囑

目錄

五行素草堂
槐廬叢刻

路莊

草屯

鳳莊

次韻暄午送別四首

樊城別春生三首

余秋間南旋袁漱六太史

芳璞

以詩見送舟行

多暇次韻寄呈

哭曾春田同年

次韻曾溫甫

國華

贈別

得郭意城書暨詩次韻奉酬兼寄詰兄筠仙
癸丑章門病中感懷

題彭暄塢章門圍城感懷詩後

黃陂道中與郭筠仙太史同年別

詩錄補遺

夜泊洞庭念與樹堂相見不遠喜而有作

前詩未盡所懷再成一首

附錄

江忠烈公行狀

江忠烈公遺藁

目錄

六

行素草堂
槐廬叢刻

江忠烈公神道碑

江忠烈公墓表

附輓詩

江忠烈公別傳

江忠烈公別傳

廬陽戰守記

新甯縣江忠烈公祠記

寶慶府江忠烈公祠記

廬州府江忠烈公殉難碑記

祭江忠烈公文

送江岷樵孝廉歸新甯序

江氏義塾記

江氏試館記

江壯節公行狀

江忠烈公遺集目錄終

江忠烈公遺集

目錄

七

行素草堂
槐廬叢刻

